

怀安县志

怀安县志

懷安縣志卷十

志餘

本志體裁，已詳凡例。舉凡搜集事實，雖未能鉅細不遺；然就大體上略皆條分縷析，分別編列矣。惟以世事繁蕪，瞬息萬變，絕非幾部分類所能包羅者。其合於體例者，固已盡量採入；然亦間有軼事遺聞，性質上雖與體例不符，實際上亦與地方政治密有關聯；用特別綴斯編，不分新舊，彙集一門，亦拾遺補缺之微意耳。

懷安縣志大事記

自明洪武初年至民國二十三年

明洪武七年春，曹國公李文忠，擊故元將珍珠駙於陽門鎮敗之；陽門等地遂平。（按陽門在左衛西，今屬萬全縣）

三十二年秋八月地震。

永樂十二年，禮部尙書趙玠來輯遷民。

（按是時驅除初定，民無編戶，至是始遷內地民實之。此重臣行邊之始，有事卽遷，事竣卽還，著爲令甲）。

十八年夏六月大水。

宣德三年夏六月大水。

四年春三月饑，官賑之；秋有年。

正統四年夏六月大水，官賑之。

十四年春五月地屢震。

景泰四年夏大旱。

六年夏六月大水。

天順八年五月五日，大風飄屋瓦，拔木。

成化六年夏六月大水，次年春饑。

十二年秋七月黑眚見。

其物黑小，金睛修尾，體狀類犬，行疾如風，多自戶牖入，遇者輒昏迷驚擾，或身面被傷；人乃夜張燈持刀防之。

十九年春三月地震，冬旱無雪；是年秋蒙古入寇。

蒙古由西陽河，枳兒嶺，入寇順聖東西川。川，古弘州地也。明

初爲牧廠，內臣領牧事者居之，景泰間始罷；而軍匠雜處，未有官守。至是二城被寇極慘，兵部尙書余子俊，因請設兵千餘，以參將領之；並蔚廣屬焉。

二十年兵部尙書余子俊來督軍務。

子俊至鎮上疏：請倣初任巡撫延綏時規制，修築長城；斷山爲牆，立墩挑塹；今柴溝西陽等處，皆經營之地。

二十一年春正月，星隕有聲；秋八月大有年。

弘治八年秋六月，大旱饑。

十三年平江伯陳銳兵部侍郎許進並總兵務。

是年秋，蒙古由萬全右衛入寇東西順聖等處；因命銳及進來督軍務，整理糧餉。爲禦備計，遍歷雲朔寧雁地方，今柴溝等處，有遺頌焉。

十八年春二月，地震。

正德六年，黑眚見。

八年秋，蒙古入寇；總兵官劉淮引兵擊却之。

八月初，蒙古由白陽口入寇鎮城西，及萬全左衛等處；總兵官劉淮令遊擊白春倪鎮二將禦之。又令副總兵陶杰爲援；仍自率師往應。敵見有備，引遁。

十四年春二月飢。

十五年秋九月地震。

十六年春三月大饑，人相食。

嘉靖三年夏四月地震。

十二年秋八月星隕，九月地震。

十五年秋七月，旱蝗。

十六年秋七月蝗，人捕食之。

十九年春三月，大旱。秋，蒙古入寇，過李信屯，屯人擊敗之。

時由左衛紅塘口入，總兵白爵戰不利；敵遂大掠而南，進薄蔚廣還，過李信屯，屯人以白挺出禦；敵棄輜重而奔。自是宣鎮稱一

信屯挺手」。

二十年春饑。

二十四年春正月，地震。

二十九年春三月十九日未時，大風拔木，黃沙蔽空，晝昏晦不見，至夜風少止。

同日京都風壞正陽門外大坊。秋，外兵內犯，大肆殺掠，由鎮城西北出塞，所過地，皆有傷殘。

三十二年秋，蒙古入寇；副總兵官都指揮郭都死之。

時敵騎五六萬餘人，入張家口過懷安，抵順聖東西川，南及蔚廣殺掠甚衆。折而東，將犯保安至宣鎮。

三十三年春二月饑；夏六月大水，壞屋廬，渰禾稼，人畜壓溺，死者甚多。

時亭障城墉，頽十之有六；居庸尤甚，其山石墜下，填塞郭門，不能以路。

三十四年春三月大饑，人相食；詔發帑金賑之。

三十六年夏六月，地震。

三十七年秋八月大雨雪，樹木多壓折死。

三十八年春正月至夏五月不雨，好畋生；乃雨連百餘日，廬舍盡傾。

至八月雨雹深三尺，禾稼空。

萬歷九年四月，地震二次，有聲。

十年秋螟。

十一年春疫。

十三年秋大水。

二十九年夏隕雪。

三十五年大雨。

三十七年夏秋旱。

三十八年大疫。

四十三年冬十一月，地震有聲，如雷。

四十六年秋九月，地震。

崇禎十六年春疫，夏大旱，秋又大疫。

十七年正月朔，大風，日無光。

清順治年秋七月，飛蝗蔽天。

五年螭生。

九年，西南二路多夜猴。

先是二路產黃鼠，自是甚少；蓋夜猴乃擒黃鼠之物，豈亦此勝彼衰，理或然歟？

十四年九月，地震。

十八年春二月至夏四月不雨；閏四月北南二路大雨雹，大如鷄卵，厚

盈尺。

被災數十餘堡

九月地震，冬無雪。

康熙元年春三月地震；夏五月大雨雹，四郊人畜有傷。

二年夏五月旱。

三年春三月地震。

五年春三月地震。

七年春三月至夏五月大旱；秋七月大雨七日夜，城垣屋廬，多浸塌。十年春三月至夏五月不雨，麥多枯，野舛生。

十二年秋九月九日，地大震。

十三年秋八月隕霜殺禾，地震。冬十月震電，十一月雨，大水。

十四年春三月二十六日大風霾，晝晦。

十六年夏大旱，多狼傷人。

十八年夏大旱，秋七月二十八日，地大震聲如雷；八月地屢震。

十九年春三月至夏六月大旱。

是年八月初七日，張家口外，山谷水漲，漂沒西番回人二百餘口，漢人蒙古人，亦有漂沒者；冬疫。

二十六年秋七月隕霜，冬大雨雪。

二十七年春正月隕星。夏四月朔，日蝕晝暝見星；九月地震。

二十八年春二月春分前，雷電大雨；三月恒風霾晝晦，夏大旱，秋七

月雨，九月九日大雨雪。

二十九年春二月二十六日味爽隕星。夏四月初五日，風霾晝晦；秋不雨，小有秋；冬十二月寒甚。

三十年春旱。

三十三年霜災。

三十四年秋七月晦，大雪連朝，禾稼災。

三十五年春饑，十一月地震。

三十八年秋霜災。

五十八年，夏六月地震。

六十年，賊有越東洋河口者，士民等追獲八名；知縣吳，行文立案，將東洋河差徭永行豁免，勒石以誌之。

雍正元年，秋八月霜。

八年春旱，秋霜。

十二年秋，大水渰入城。

乾隆二年，秋七月，北路雨雹，六堡被災，奉文賑濟。

五年秋八月地震

七年夏五月，秋七八月，地屢震。

十年秋禾成災，奉文賑濟。

十三年秋大旱。

十五年夏五月雨雹。

十六年秋七月雨雹。

十九年秋七月雨雹。

二十年夏五月雨雹，麥成災，秋有年。

二十五年夏，大水，沖刷民地頗多，六月雨雹。

二十八年夏六月雨雹，秋霜。

三十年夏六月雨雹。

三十二年夏五月秋七月雨雹。

五十一年秋七月，雨雹。

五十二年大旱，人相食。

五十三年春饑，秋大有年，多狼傷人。

五十四年夏六月，雨雹。

五十五年秋七月，雨雹。

嘉慶五年，夏雨雹。

十年夏六月，蝻至。

道光二年夏疫。

五年春三月大風拔木，人遭之輒刮斃。

七年秋大疫。

十二年饑。

十三年夏五月雨雹。

十六年夏旱，秋七月飛蝗蔽天。

十七年夏蝻，秋七月雨雹。

十八年秋七月，雨雹。

十九年秋，大旱。

二十一年夏五月，雨雹。

二十二年秋七月，雨雹，大如卵。

二十三年春三月，白虹經天。

三十年秋七月霜。

咸豐三年秋七月，雨雹。

八年夏大疫，八月彗星見。

十年春大雪，十二月二十三日午時，日生四耳。

十一年夏四月紫虹貫日；秋七月雨雹，十五日星隕如雨，八月朔，日月合璧，五星聯珠，惟長庚未聯。

同治元年秋疫。

二年大水滙入城。

六年夏四月，地震如雷。

十四年四月初一日，大風晦；七月朔，天紅，有聲如礮，月底大雨。

連陰七八日，廬舍盡頽，壓死人無數。

十三年夏六月大雨帶雹，損傷禾稼，冲刷民地頗多。

光緒二年夏五月大風拔木。秋有年。

三年歲大旱，初伏始雨，秋大歉。

五年大水。柴溝堡城東北角，被水冲。

十一年大旱，西區災甚重。

十七年，秋旱歉收。

十八年大旱成災。自春徂秋落雨一次，鬻妻賣子者數見不鮮，縣城有搶米風潮。

十九年大有秋。

二十年七月間，發現急性霍亂症，傳染甚速，死亡數百人，甚有一家俱死者。

二十二年大雨，縣城外河水暴漲，毀壞河堤數十丈，西南城角被冲，水由南門入城，坍塌民房，壓斃牲畜，甚衆。

二十四年縣屬二區撥左人民，因反對徵糧溢收，包圍縣署，知縣潛避，經守備祥，彈壓調解，事遂寢。

二十六年歲次庚子，邪教義和團遍全境，毫無組織訓練。無論少壯，但肯念及秘咒，即能持刀起舞，並托名古之英雄大將以欺人，所練刀槍，並無步驟。惟以「扶清滅洋」爲口號，最仇視教民，慈禧西太后獨深信之，致有戕殺神父，焚毀教堂之妄舉。幸懷安向無奉教者，未至釀成巨禍。

今年七月「八國聯軍」，逼近津京，皇室潛出居庸，駐蹕懷安。

按德宗皇帝，慈禧皇太后，隆裕皇后，由左衛紅塘溝經過懷安轉幸大同，再赴長安，扈從有馬玉崑，岑春暄等，率隊警蹕。沿途共億，損失不貲。

是年大旱成災。因地方不靖，成立鄉勇局。

二十七年興辦拳匪大賠款：以當時本縣無教民教堂，未現仇教事實，尋詔免，

二十八年發現急性霍亂症，縣城一帶特重，而北瓦窰一村死達七八十人，城市棺匣售盡，鄉間多以蓆捲埋之。

二十九年蝗蚘遍野，一區蝕禾畸重。

本年奉令創辦學堂，縣立高等小學堂成立。

三十年發現鼠疫，各村均有傳染；白露下霜，秋大歉。

三十一年大雨雹，夏禾損傷殆盡。

三十二年大雨，平地水深尺餘，秋大有年。

是年張家口邊路街，水漫下營房屋頂，損失頗重。

三十四年成立勸學所，並教育會及宣講所。

宣統元年奉令成立巡警局。

二年平綏鐵路通過縣屬柴溝堡。

三年五月成立縣議參會，十二月選舉順直省議會議員。

民國二年七月，洪憲出世，違法解散省縣議會。

三年三月，飛蛾蔽天，東區最烈。